

<https://news.usm.my>

Berita Mutakhir

15 OCT

USM PERKUKUH KOLABORASI DENGAN INSTITUT TEKNOLOGI BANDUNG

12079529 10207756702539931 1524699400799677212 n

BANDUNG, 15 Oktober 2015 - Naib Canselor Universiti Sains Malaysia (USM) Profesor Dato' Dr. Omar Osman hari ini mengadakan pertemuan dengan Rektor Institut Teknologi Bandung (ITB) Indonesia Profesor Kadarsah Suryadi untuk memperkukuhkan hubungan sedia ada.

Naib Canselor USM itu juga secara peribadi menzahirkan penghargaan kepada ITB yang membantu menjayakan Persidangan Antarabangsa Kearifan Tempatan yang pertama kali diadakan di peringkat antarabangsa khususnya di Indonesia.

"Kerjasama dan kolaborasi antara dua institusi ini akan dipertingkatkan lagi pada masa akan datang dengan lebih melihat secara terperinci rentetan kunjungan yang diadakan ini," katanya.

Melalui kunjungan ini juga Omar berharap kolaborasi bersama ITB dapat memperluaskan lagi jaringan USM di Indonesia dan serantau melalui perkongsian kepakaran bersama dan kali ini kejayaan dalam pelancaran Asian Local Knowledge Network (ALKN) adalah salah satunya.

Sementara itu, Rektor ITB pula berkata, kerjasama antara USM dan ITB ini adalah suatu petanda baik dalam memperkukuhkan lagi kerjasama antara institusi di kedua buah negara serantau ini.

"Terima kasih juga kepada USM kerana mengalu-alukan ITB untuk turut serta pada persidangan kali ini dan juga untuk menganggotai ALKN yang merupakan satu jaringan yang baik untuk terus memelihara kearifan tempatan," jelasnya lagi.

Yang turut hadir pada kunjungan hormat ini Timbalan Rektor (Akademik dan Hal Ehwal Pelajar) ITB, Profesor Ir. Bermawi Priyatna Iskandar, Timbalan Rektor (Pentadbiran Am, Alumni dan Komunikasi) Dr Miming Miharja, Ketua Kumpulan Kearifan Tempatan USM Profesor Badaruddin Mohamed, Pengerusi ICLK 2015 Profesor Madya Dr. Salasiah Che Lah, Penyelaras ALKN Dr. Norizan Esa dan pengurusan tertinggi ITB.

Perbincangan turut tertumpu kepada usaha mewujudkan jaringan kerjasama mantap dalam bidang akademik, penyelidikan dan inovasi, mobiliti pelajar dan pertukaran tenaga pakar di antara kedua-dua buah institusi.

Teks : Hafiz Meah Ghouse Meah

Foto : Mohd Azrul Mohd Azhar



Share This

Pusat Media dan Perhubungan Awam / Media and Public Relations Centre

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : pro@usm.my (<mailto:pro@usm.my>)

Laman Web Rasmi / Official Website : [Universiti Sains Malaysia \(http://www.usm.my\)](http://www.usm.my)

[Client Feedback / Comments \(http://web.usm.my/smbp/maklumbalas.asp\)](http://web.usm.my/smbp/maklumbalas.asp) | USM News Portal. Hakcipta Terpelihara USM 2015